



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

In Dominicis Ab Octava Epiphaniae vsque ad Dominicam 1. Quadrages. &
à Dom. propiori Kal. Octob. vsque ad Adventum.

urn:nbn:de:hbz:466:1-12077



HYMNI COMMUNES
OFFICII DE TEMPORE.

IN DOMINICIS

Ab Octava Epiphaniæ usque ad Dominicam 1. Quadrages. & à Dom. propiori Kal. Octob. usque ad Adventum.

AD MATUTINUM.

PRIMO dierum tempore,
Quo mundus olim conditus,
Et quo resumpto corpore,
Est Christus orbi redditus :
 Demus sopori parcius,
 Surgamus omnes ocius;
 Noctu Deum requirere
 Sacræ docent nos litteræ.
Ut noctis in caligine,
Dei vacantes laudibus,

B iiiij

Sancto fruamur lumine,
Votis piè concordibus.

Præsta, Pater piissime,
Fili, Patris simillime,
Et tu, beate Spiritus,
Nobis adesto cœlitus. Amen.

AD LAUDES.

Rector benigne temporum,
Qui pro salute corporum,
Diurna post negotia,
Nocturna redditis otia.

En mane primo surgimus,
Tu prima vota suscipe:
Ut te juvante cœpimus,
Te prosequamur auspice.
Arce mali pericula,
Aufer boni repagula:
Sic nos juves salubriter,
Sic te colamus jugiter.

Hæc te, beata Trinitas,
Junctis precamur vocibus;
Ut una nos felicitas
Jungat beatis sedibus. Amen.

6429